

積學齋叢書

第
冊

續學齋叢書

卷一

輶軒使者絕代語釋別國方言箋疏卷第七

嘉定錢繹撰集

諄憎所疾也宋魯凡相惡謂之諄憎若秦晉言可惡矣

音義

諄之箋疏 諄雅諄憎諷苦也諷與疾同秦誓冒疾以惡之高誘注淮南子精神訓云

苦疾也荀子哀公篇無取口噤口噤誕也揚倧注噤與諄同引方言作齊魯凡相疾惡謂之諄憎韻會同

說文敦怨也引康誥曰凡民罔不敦某氏傳曰人無不惡之者孟子引作敦廣雅敦惡也玉篇又作敦同

法言重黎篇楚傲羣策而自屈其力李軌注傲惡也又脩身篇何元傲之有注元傲大惡也敦敦傲諄也

字異義同詩邶風北門篇王事敦敦我傳敦厚也荀子

議兵篇有離俗不順其上者則百姓莫不敦惡楊倧

注敦厚也說文敦怒也詆也敦與諄聲義並相近詩

言王事敦我猶言以王事詆怒我也荀子百姓莫不

敦惡猶凡民罔不敦也注家訓敦為厚失之說文憎

惡也廣雅同說文惡過也又證相毀也一日畏證也

廣韻作認是惡為美惡字謹為愛證字今經傳通作

惡昭七年左氏傳魯衛惡之杜云受其凶惡尔正釋

訓居居究究惡也郭注皆相憎惡是惡兼美惡愛惡二義

杜躄也趙曰杜註今俗語通言躄如杜杜梨子躄因

名之山之東西或曰躄註郊躄燥躄貌音義躄音笑躄箋

疏說文躄不滑也楚詞七諫云言語訥躄王逸注躄者難也風俗通十反篇冷躄比如寒蠅石門頌道

路澁難澁澁躄並同廣雅杜躄躄也莊子應帝王篇是殆見我杜德機也郭象注德機不發曰杜崔謨云

塞吾德之機衆經音義卷五引賈逵國語注云杜塞也塞躄聲義並相近注杜黎子躄因名之者余正釋

木杜甘棠郭注云今之杜梨詩疏引陸璣疏云赤棠與白棠同子有赤白美惡白色爲白棠甘棠也少酢

滑美赤棠子躄而酢無味俗語云澁如杜與此注正合

佻抗縣也趙魏之間曰佻自山之東西曰抗燕趙之郊

縣物於臺之上謂之佻註了佻縣物貌音義佻丁反箋

疏佻本或作上衆經音義十三云了上又作紅同丁皎反引方言上縣也趙魏之間曰上郭璞曰了上

縣貌也是元應所見本佻作上玉篇上丁了切縣物
貌也廣韻上縣兒王延壽王孫賦上瓜縣而瓠垂說
文利禾危采也按危采謂穎欲斷折即齊民要術所
云刈晚則穗折也玉篇利縣也廣韻利禾穗垂兒利
與上聲義並同今俗謂縣物爲弔亦聲相近也詩小
正瓠葉篇燔之炙之傳炕火曰炙正義曰炕舉也謂
以物貫之而舉於火上以炙也按炕即抗之假借字
賓之初筵篇大侯既抗傳抗舉也箋云舉者舉鴟而
棲之於侯也此云抗縣也義亦相近也○俗本注脫
兒字宋本有與衆經音義所引正合今据以補正

發稅舍車也東齊海岱之間謂之發註今通言發寫也

宋趙陳魏之間謂之稅註稅猶脫也箋疏注云今通言發寫者

蓋讀舍爲寫寫與卸同說文卸舍車解馬也讀若汝

南人寫書之寫是發寫即發卸也釋詁廢舍也郭注

舍放置公羊宣八年傳廢其無聲者何休注廢置也

楚詞招魂娛酒不廢沈日夜些王逸注不廢或曰不

發是廢與發同詩召南甘棠篇召伯所說傳說舍也

釋詁稅舍也郭注引作稅周官典路云辨其名物與
其用說注說謂舍車也士昏禮主人說服于房注今
文說作稅釋文說言脫也昭廿一年左氏傳說甲于

公而歸稅說
脫古字並通

肖類法也齊曰類西楚梁益之間曰肖秦晉之西鄙自

冀隴而西註冀縣今在天水使犬曰哨西南梁益之

間凡言相類者亦謂之肖註肖者似也音義哨音箋

疏廣正肖濃也法言學行篇螟蠕之子殪而逢蝶羸

仲尼也字通作宵漢書刑法志夫人宵天地之類應

也初非成也侷侷敗者侷敗也初非敗也張湛注侷

音肖似也釋詁類善也按類為善猶不善為不肖也

禮記緇衣篇行無類也注類謂比式釋文云比方法

式也太元毅次七觥羊之毅鳴不類測曰觥羊之毅

言不法也荀子勸學篇羣類之綱紀也楊倞注類法

也說文肖骨肉相似也不似其先故曰不肖衆經音

義十三引作方言誤也說文又云種類相似惟犬

為甚相似謂之類亦謂之肖故法謂之肖亦謂之類

也注云冀縣在天水者漢書地理志天水郡武帝元

鼎三年置冀縣禹貢朱圉山在縣南晉志天水郡統

縣六冀其一也說文驥千里馬也孫陽所相者天水有驥縣與諸史異今甘肅鞏昌府伏羌縣其地也說文哨不容也玉篇引方言云秦晉冀隴謂使犬曰喉說文喉使犬聲春秋傳曰公喉夫熈宣二年左氏傳釋文云服本作嘔正義引服虔云嘔取也公羊傳疏云今呼犬謂之屬哨喉嘔屬聲轉字異義並同也

憎懷憚也註相畏憚也陳曰懷箋疏卷十三云憚但惡也注云心憚懷亦

惡難也說文憚忌難也周易屯釋文引賈逵國語注云難畏憚也難憚義同故廣雅憎懷畏憚並訓為難詩大正雲漢篇我心憚暑釋文韓詩云苦也苦與憚義亦同故憎又訓苦廣正憎苦也義並相同也懷曹憲音人尙反玉篇云懷憚也相畏也

譙註字或作誚謹讓也齊楚宋衛荆陳之間曰譙自關

而西秦晉之間凡言相責讓曰譙讓北燕曰謹音義

謹火箋疏說文讓相責讓也讓推也今書傳多借讓為推讓字按二字古通鄭注曲禮云讓古

讓字說文譙媯譙也讀若嚼古文作誚引金滕篇王亦未敢誚公淮南子脩務訓乃整兵鳴條困夏南巢

譙以其過放之歷山高誘注譙責也連言之則曰譙讓史記萬石君傳子孫有過失不譙讓為便坐對案不食漢書高帝紀樊噲亦譙讓羽顏師古注譙讓以辭相責也廣疋謹讓也王氏疏證云說文謹譁也字亦作諠凡人相責讓則其聲諠譁故因謂讓為謹猶今人謂諠呼為讓也

僉胥皆也自山而東五國之郊曰僉註六國唯秦在山

西東齊曰胥箋疏說文皆俱誓也釋詁僉胥皆也堯

日蘇可是僉為皆也卷六胥輔也注云胥相也廣疋胥輔助也義亦相近衆經音義卷三引作自關而東

五國之郊謂皆曰僉東齊曰胥又卷十二引同唯日字作為

侁莫强也北燕之外郊凡勞而相勉若言努力者謂之

侁莫箋疏廣疋勑莫强也曹憲音牟玉篇勑勸勵也勑侁同侁之言懋也舜典惟時懋哉史記

五帝紀作勉哉皋陶謨懋哉懋哉某氏傳訓勉家君日盤庚懋建大命懋簡相爾漢石經懋皆作勑說文

勑勉也从冒聲廣疋文勉也淮南繆稱訓猶未之莫與高誘注莫勉之也合言之曰侁莫轉言之則日文

莫論語文莫吾猶人也韓門綴學引樂肇注燕齊之間謂勉強為文莫說文恣強也文侔聲之重輕耳是文莫與侔莫同倒言之則曰莫文淮南原道訓穆恣隱閔穆恣與莫亦同繫言之則曰侔侔莫莫荀子榮辱篇侔然惟利飲食之見是狗彘之行也侔侔唯利之見即孟子孜孜為利也侔侔孜孜皆勤勉之意楊倞注以侔侔為愛欲之見引方言牟愛也宋魯之間曰牟失其怡矣釋訓懋懋懋懋也司馬相如封禪文眈眈穆穆並字異義同卷一云釗薄勉也故其鄙語曰薄努猶勉努也注云如今人言努力也廣韻努努力也通作怒廣疋怒勉也呂氏春秋至忠篇非怒王則疾不可治言欲王努力也

傑倝罵也註羸小可憎之名也燕之北郊曰傑倝音義

傑音 倝 疏 廣疋傑倝罵也曹憲音巨恭反倝音春玉

兒蓋即此注文也卷三臧甬奴婢賤稱也陳魏宋楚之間保庸謂之甬又云甬謂之倝轉語也注猶保倝

也今隴右名嬾為倝音相容反是倝猶保庸皆罵之意也今吳人以厲聲罵人曰傑音如渠公切其傑倝

之合聲與注云羸小可憎者卷九艇小而深者謂之傑注即長艇也音叩竹玉篇傑艇同小船也倝先恭

切小行恐兒衿衿同小禪也音鍾又息拱反小袴也義與傑倮並得相近也

展信也東齊海岱之間曰展燕曰信註信亦誠信貌

箋疏

信伸古字通用此信字兼誠信屈信二義展則二義兼有其誠信義已見前卷一說亦同廣正

展舒也伸展也曹植洛神賦申禮防以自持李善注申展也申與伸同皆轉相訓也說文蚩蟲曳行也玉

篇作伸行音丑善切廣正鑑長也曹憲音恥輦反廣韻鑑物令長蚩鑑義與展同玉篇振搖醜長兒集韻

搖引也廣正振搖展極也是展又為屈伸之伸也衆經音義卷一引蒼頡解詁云信古文敦同李善注謝

靈運石門新營所住詩引方言作敦大戴禮王言篇土信民敦素問上古天真論長而敦敏王冰注敦信

也

斯列離也齊陳曰斯燕之外郊朝鮮洌水之間曰笮

疏

釋言斯離也郭注齊陳曰斯大正板篇無獨斯畏箋云斯離也疏引孫炎注云析之離列子黃帝篇

不知斯齊國幾千萬里陳風墓門篇斧以斯之傳斯析也莊子則陽篇斯而析之皆是也爾雅本並譌作

擿淺人少見劉多見劉遂謫為劉又加手旁作掬誤甚今訂作劉劉卽播之異文楚詞九歌劉芳椒以成堂洪興祖云劉古播字此古字之僅存者隸釋漢幽州刺史朱龜碑口劉徽馨魏橫海將軍呂君碑將遂劉聲于方表洪适並云劉卽播字是隸字亦有作劉者李善注劉越石答盧諶詩引聲類播散也離與散近義相

蝻 噬逮也東齊曰蝻北燕曰噬逮通語也音義

蝻音曷噬音卜

筮 箋疏

釋言逮及也迨及也郭注東齊曰迨說文逮

生心雖蝻讒焉避之按雖蝻讒焉避之猶言雖及讒譖無所逃避也故下篇云陷于大難乃逮于讒也韋注以桑蠹釋之云蝻木蟲也譖從中起如蝻食木木不能避於義紆回矣蝻通作曷小正四月篇曷云能穀傳曷逮也釋言遏逖逮也郭注東齊曰遏北燕曰逖皆相逮及是曷遏與蝻義同唐風有杕之杜篇噬肯適我傳噬逮也韓詩作逝云及也邶風日月篇逝不古處傳逝逮也疏並云釋言文今尔正作逖是逖逝噬義亦同也

皮傳彈儉強也註謂強語也秦晉言非其事謂之皮傳

東齊陳宋江淮之間曰彈儉音義

儉音

箋疏

後漢書張衡傳

河洛六藝篇章已定後人皮傳無所容纂李賢注引此文釋之曰謂不深得其精核皮膚淺近強相附會也傳音附廣正憚儉強也儉曹憲音七漸四廉二反憚與彈通

膊曬晞暴也東齊及秦之西鄙言相暴僂為膊註膊僂

謂相暴焠惡事燕之外邾朝鮮洌水之間凡暴肉發

人之私披牛羊之五藏謂之膊暴五穀之類秦晉之

間謂之曬東齊北燕海岱之郊謂之晞音義

膊音膊脯曬霜

智反俗本膊下又出普博反三字非是今从戴虛本刪

箋疏

說文暴晞也从日出収米玉篇步卜

切史記司馬相如傳暴于南榮索隱暴偃卧日中也亦讀為暴露之暴范甯注隱五年穀梁傳云乃暴師經年釋文音步卜反漢書宣帝紀為取暴室嗇夫許廣漢女應劭曰暴室宮人獄也今日薄室師古曰暴

室者掖庭主織作染練之署故謂之暴室取曝曬爲
名耳或云薄室者薄亦暴也今俗語猶言薄曬矣說
文膊薄脯膊之屋上也釋名膊迫也薄豚肉迫著物
使燥也成二年左氏傳殺而膊諸城上杜注膊磔也
正義周禮掌戮掌斮殺賊謀而搏之鄭注云搏當爲
膊諸城上之膊字之誤也膊謂去衣磔之引方言膊
曝也曝俗暴字注云暴磔惡事者說文磔辜也周官
掌戮殺王之親者辜之注辜之言枯也謂磔之大宗
伯驅辜祭四方百物鄭衆從故書作罷辜云罷辜披
磔牲以祭釋天祭風曰磔郭注今當大道中磔狗云
以止風是磔者開也張也剗其胸腹而張之令其乾
枯不收與膊同意說文曬暴也廣疋同玉篇曬暴乾
物也漢書中山清王傳白日曬光幽隱皆見今音變
爲所賣切玉篇晞暴也易噬嗑噬肉馬融注晞于
陽而揚于火曰腊說文管乾肉也从殘肉日以晞之
籀文从肉作籀籀昔並與腊同暴所以乾物故乾亦
謂之晞說文晞乾也詩秦風蒹葭篇白露未晞小正
湛露篇匪陽不晞禮玉藻篇髮晞用象櫛毛傳鄭注
並同衆經音義十二引方言云晞燥也暴也北燕海
岱之間謂暴乾爲晞又卷十八引云晞燥也北燕海
岱之間謂暴爲晞蓋合後

熬聚註卽齧字也剪夔鞏火乾也凡以火而乾五穀之

類自山而東齊楚以往謂之熬關西隴冀以往謂之

夔秦晉之間或謂之聚凡有汁而乾謂之剪東齊謂

之鞏音義聚創眇反夔皮箋疏說文熬乾剪也或从

內則煎醯加于陸稻上沃之以膏曰涪熬淮南本經

訓煎熬焚炙楚詞九思我心兮煎熬一本作熬齧說

文齧熬也廣疋熬乾也郭注釋舛豨首可以燭蠶蝻

釋文引三倉云齧熬也衆經音義卷一卷十四並云

炒古文齧彙聚熬四形今作齧崔寔四民月令作炒

古文奇字作槩按齧齧齧炒彙齧槩字並同聚聚之

言槩也說文槩熬米麥也去九切玉篇音尺沼反書

柴誓鄭注云槩熬乾也周官籩人注鄭衆云槩熬大

豆與米也昭廿五年公羊傳散致槩于從者何休注

槩糲也說文糲乾飯也槩與聚聲義並近說文煎熬

也廣疋煎乾也按乾者水盡之名故卷十三又訓煎

為盡成二年左氏傳子姑翦滅此而朝食杜注翦盡

也翦與煎義亦相通夔初學記引作夔衆經音義卷

九同說文夔以火乾肉也籀文作夔廣疋夔乾也周

官籩人注鮑者於樞室中糗榦之漢書貨殖傳注引
作煇室乾之煇煇聲相近暴乾飯謂之糗火乾穀謂
之煇義正同也鞏即烘聲之轉說文烘燎也引詩
烘于熨毛傳烘燎也釋言烘燎也舍人注烘以火燎
也廣疋燎乾也烘訓為燎與方言廣疋聲義並合又
廣疋烤乾也曹憲音穹去聲玉篇烤乾也廣韻火乾
物也集韻烤曝也烤
與鞏亦聲近義同

脰飪烹爛糇酋酷熟也自關而西秦晉之郊曰脰徐揚

之間曰飪嵩嶽以南陳潁之間曰烹自河以北趙魏

之間火熟曰爛氣熟曰糇久熟曰酋穀熟曰酷熟其

通語也音義脰音而飪音荏箋疏說文孰食飪也玉

今字說文脰爛也廣疋脰熟也宣二年左氏傳脰熊

蹠不熟正義引字書曰過熟曰脰楚詞招魂肥牛之

臠臠若芳些王逸注熟爛也臠廣韻作臠云煮熟與

脰同籛作脰內則濡豚注濡謂烹之以汁和也說文
脰丸之熟也義與脰相近說文飪大熟也旺恁並古
文飪廣疋飪熟也飪飪同字聘禮唯羹飪筮一尸注

古文飪作脰郊特牲篇腥肆爛脰祭注脰熟也說文稔穀熟也稔脰與飪義亦同說文高獻也从高省曰象熟物形篆文作亭高象薦熟因以亭為飪物字讀普庚切禮運以亨以炙注亨煑之鑊也廣疋善熟也善飪也曹憲音普衡反家君曰此以為烹字也說文以善為鬻之或字鬻即和羹之美說文爛火熟也或從間作爛隸省作爛說文館酒食也或作餽釋文引字林餽熟食也周官館人鄭眾云主炊官也故書餽作饌特牲饋食禮注炊黍稷曰餽古文作糈食熟謂之飪亦謂之酋猶穀熟謂之稔亦謂之炆酋之言炆也說文炆禾穀熟也禮月令乃命大酋注酒熟曰酋高誘注呂氏春秋仲冬紀云醞釀米麴使之化熟故謂之酋韋昭鄭語注曰精熟為酋周官酒正二曰昔酒注今之酋久白酒說文酋釋酒也釋名酒酉也酉澤久而味美也酉澤與酋釋同是酋為熟又為久熟矣酷之言酷裂也李賢注後漢書張衡傳云酷裂香氣盛也字通作稭廣疋稭熟也曹憲音酷玉篇稭禾大熟也廣韻稭禾熟也是穀熟曰酷也稭酷二形聲義並同也

嬰盈怒也燕之外郊朝鮮洌水之間凡言呵叱者謂之

嬰盈音義已音上 箋疏之訛玉篇 嬰舊本調作魏戴氏曰魏即嬰

氣呵叱如馮之訓滿訓怒也廣疋魏盈怒也舊憲不

察魏為嬰之譌音於危反失之今据本以訂正卷二

嬰細也自關而西秦晉之間凡細而有容謂之嬰又

嬾好也郭音盈云言嬾嬾也廣疋嬾嬰好也是盈亦

作嬾嬰盈皆好之意也好謂之嬰盈怒亦謂之嬰盈

猶笑謂之呵怒亦謂之呵哀謂之咍快亦謂之咍以

相反為義也廣疋呵笑也漢書文苑傳彌衡言不

遜順黃祖乃阿之卷一凡哀泣而不止曰咍說文愠

寬嫺心腹兒引詩赫兮愠兮今

詩作咍廣韻愠吳人語快也

張蹇蹇企立也東齊海岱北燕之郊跪謂之張蹇註今

東郡人亦呼長跽為張蹇委痿謂之蹇企註脚蹇不

能行也音義蹇音務企 蹇疏廣疋張蹇跪拜也曹憲

義二十四云今江南謂屈膝立為長趨趨跪同玉篇

東郡謂跪曰張張蹇拜也蹇長跪也廣韻張張跪引

方言作東齊北燕之間謂跪曰張又蹇云長跪又拜

也說文跪拜也段氏玉裁曰拜首至手也跪與拜二